

**Марказий банк томонидан “Умумжаҳон пул ҳафталиги”
(Global Money Week) доирасида ёшлар ўртасида видеороликлар
танловини ўтказиш
ҚОИДАЛАРИ**

1. УМУМИЙ ҚОИДАЛАР

1.1. Ушбу хужжат “Умумжаҳон пул ҳафталиги” (Global Money Week) доирасида видеороликлар танловини (бундан буён матнда Танлов деб юритилади) ташкил этиш ва ўтказиши тартибга солади.

1.2. Ушбу Танлов Марказий банк томонидан ўтказилиб, иштирокчилар яратган информацион видеороликлар орқали молиявий саводхонликни ошириш, базавий банк маҳсулотларидан хавфсиз ва тўғри фойдаланиш ҳамда молиявий хатарлар тўғрисидаги билимлар шакллантириш кўзда тутилган.

1.3. Ушбу Танловда кундалик турмушда банк маҳсулотлари ва хизматларидан тўғри ва хавфсиз фойдаланишнинг муҳим аҳамияти ҳамда молиявий хатарлар моҳиятини очиб берган энг яхши видеоролик аниқланади.

2. ТАНЛОВ МАҚСАДИ

Ушбу Танлов мақсади банк маҳсулотлари ва хизматлари, рақамли ҳимоя воситалари тўғрисидаги маълумотларни ўрганиш ҳамда ёш авлоднинг молиявий маданияти даражасини оширишдан иборат.

3. ТАНЛОВ УЧУН МАВЗУЛАР

Танловда бир дақиқагача бўлган қисқа видеофильмлар яратилади.

Танлов икки номинация бўйича ўтказилади:

1. “Банк карталари билан боғлиқ фирибгарликларнинг олдини олиш”;

2. “Рақамли молиявий хизматлардан хавфсиз фойдаланиш”.

Муаллиф видеороликда молиявий хатарлар, базавий банк маҳсулотлари ва хизматларидан хавфсиз фойдаланиш бўйича ўз тасаввурини ёритиб бериши лозим.

4. ТАНЛОВ ИШТИРОКЧИЛАРИ

Танлов 14-20 ёшдагилар орасида ўтказилади.

Индивидуал ишлар билан бир қаторда коллектив ишлар ҳам қабул қилинади (бунда масъул шахсни кўрсатиш лозим бўлади).

5. ТАНЛОВНИНГ ТЕХНИК ШАРТЛАРИ

Танлов мавзусидан чиқмаган ҳолда видеороликни исталган техник аппарат ёрдамида суратга олиш мумкин.

Видеороликка қўйиладиган талаблар:

- формати: MP4 h264;
- ўлчамлари – 1080p, 720p (эни бўйича минимал ўлчам 1280 пиксель, баландлиги бўйича минимал ўлчам 720 пиксель);
- давомийлиги – 1 дақиқагача;
- видеоролик сюжети иштирокчилар томонидан мустақил белгиланади (хикоя, репортаж, мусиқий клип, мультфильм ва х.к.).

Тақдим этиладиган ижодий ишларда учинчи шахслар хуқуқларини бузувчи, Ўзбекистон Республикаси қонунларига зид келувчи ҳамда реклама элементларини ўзида мужассам этувчи маълумотлар бўлмаслиги лозим.

6. БАҲОЛАШ МЕЗОНЛАРИ

Танлов бўйича ҳайъат аъзолари видеороликларни қўйидаги мезонлар асосида баҳолашади:

- ижодий ишнинг эълон қилинган мавзуга мос келиши;
- видеороликнинг креативлиги (янги ғоялар, оригиналлик);
- маълумотларнинг тўлиқлиги;
- эстетик қоидаларга жавоб бериши.

7. ТАНЛОВ ТАШКИЛИЙ ҚЎМИТАСИ ВА ҲАКАМЛАР ҲАЙЪАТИ

Танлов ташкилий қўмитаси Ўзбекистон Республикаси Марказий банки ходимларидан ташкил топади ва қўйидагиларга масъул ҳисобланади:

- иштирокчилардан аризалар ва Танлов бўйича ижодий ишларни қабул қилиш;
- баҳолаш мезонларини аниқлаш ва Танловга тақдим этилган ишлар, материаллар ва ҳужжатлар экспертизасини ташкил этиш, шу жумладан плагиатлик мавжудлигини текшириш;
- танлов ғолибларини рағбатлантириш дастурини ишлаб чиқиш ва амалга ошириш;
- Марказий банкнинг ижтимоий тармоқлардаги саҳифалари орқали Танлов тўғрисида маълумотлар бериб бориш.

Ижодий ишларни баҳолаш учун Ўзбекистон Республикаси Марказий банки вакилларидан иборат Танлов ҳакамлар ҳайъати тузилади.

Танлов ташкилий қўмитаси муаллифни огоҳлантирмасдан туриб Танлов қоидаларининг 5-банди шартларига жавоб бермайдиган ишларни Танловдан четлаштириш ҳуқуқига эга.

Танловнинг ташкилий қўмитаси Танлов бўйича ҳар қандай ижодий ишларни муаллифларга хабар бермасдан ва ҳеч қандай ҳақ тўламасдан тўлиқ ёки қисман нашр этишга, шунингдек улардан тадқиқот ишлари учун фойдаланишга ҳақлидир.

8. ТАНЛОВНИ ТАШКИЛ ЭТИШ ТАРТИБИ ВА ШАРТЛАРИ

Танлов бўйича ижодий ишлар **2021 йил 20 мартгача** қабул қилинади. **2021 йил 27 март қуни** Танлов натижалари эълон қилинади ҳамда Марказий банкнинг расмий каналларида тегишли маълумотлар жойлаштирилади.

2021 йил 20 мартаңдан кейин юборилган Танлов бўйича ишлар Танловда иштирок этишига рухсат берилмайди.

Танловда иштирок этиш Танлов шартларига розиликни англатади.

Муаллиф автоматик тарзда ўз ижодий ишларини Марказий банкнинг расмий каналлари, молиявий саводхонлик бўйича ижтимоий тармоқ сахифаларида нашр қилишга розилик беради.

Ғолибларни саралаш тартиби:

Танлов бўйича ҳакамлар ҳайъати аъзолари аризаларни қабул қилиш якунланганидан сўнг ҳар бир номинация бўйича ғолибларни аниқлайди.

Танлов натижаларига кўра иккита номинация бўйича ғолиблар ва совриндорлар аниқланади.

5-бандда кўрсатилган шартларга жавоб бермайдиган ижодий ишлар ҳакамлар ҳайъати томонидан кўриб чиқилмайди.

Танлов бўйича ижодий ишларга тақриз берилмайди ва ишлар қайтарилмайди. Танлов жараёнлари ва натижалари бўйича шикоятлар қабул қилинмайди.

Танлов ҳакамлар ҳайъати аъзоларининг камида 60 фоизи Танлов ишларига овоз берган тақдирда натижалар инобатга олинади.

Танлов совғалари:

1-ўрин – электрон китоб;

2-ўрин – smart соат;

3-ўрин – hard диск.

9. АРИЗАЛАРНИ ТАҚДИМ ЭТИШ

Танлов иштирокчилари аризалар ва видеороликларни konkurs.cbu@gmail.com электрон почта манзиллига юборишлари (хат мавзусида “Global Money Week Танлови” деб кўрсатилиши шарт), шунингдек ташқи хотира қурилмалари (флешка, DVD диск ва х.к.) ёрдамида Марказий банк биносига олиб келиб беришлари мумкин.

Кўшимча саволлар юзасидан қўйидаги телефон рақамига мурожаат қилинг: +99871 212-73-56.

АРИЗА ШАКЛИ

Иштирокчи(иштирокчилар) Ф.И.Ш.	
Таълим олаётган ўқув юрти (номи, манзили)	
Телефон рақами	
Уй манзили	
Электрон почта манзили	
Мактаб, колледж, академик лицей ва олий ўқув юртлари раҳбариятининг Ф.И.Ш., ва телефон рақамлари	